

國子監志

獻功

卷之三十二
禮志八

第 二 十 六 冊

國子監志卷三十二

禮志八

獻功

乾隆二十四年回部全境蕩平。

天威遠播拓地二萬餘里大功告成。


遣官釋奠

先師孔子

御製平定回部碑文勒石國學

碑亭建殿階下甬道大成

高宗純皇帝御製平定回部告成太學碑文



國子監志 卷三十一 二 獻功 一
建非常之功者。以舉非常之事。舉非常之事者。以藉非常之人。然亦有不藉非常之人。而舉非常之事。終建非常之功者。則賴

昊蒼篤眚。神運幹旋。事若禍而移福。機似逆而轉順。順天者昌。逆

天者亡。故犂準夷之庭。掃回部之穴。五年之間。兩勲並集。始遲疑猶未敢信。終劫劬以底有成。荷

天之龍在茲。畏

天之鑒益在茲。爰叙其事如左。達瓦齊之就俘也。伊犁

已大定矣。無何而阿睦爾撒納叛。彼其志本欲藉我力以成已事。時也。人心未定。佐饗者嘗一蠖肆狂。萬狙應響。蜂屯蟻襍。不可爬梳。畏難者羣謂不出所料。準夷終不可取。竝有欲棄巴里坤為退守謀。然予計其衆志不齊。將有歸正倒戈者。於是督策將帥之臣。整師竝進。既而伊犁諸台吉宰桑果悔過勤王。思討逆賊以自贖。此

天恩助順者一也。二酋大小和卓木者。以回部望族。久為準噶爾所拘於阿巴噶斯鄂拓者也。我師既定伊

犁乃釋其囚以兵送大和卓木波羅泥都歸葉爾奇木俾統其舊屬而令小和卓木霍集占居於伊犁撫其在伊犁衆回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之前紀略見梗概茲不復紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘之及我師底庫車問罪彼攜阿敏道以來援

至中途害之及從行者百人彼猶逞其狂悖抗我師顏且敢冒死入庫車城乃雅爾哈善略無紀律致彼出入自由然我滿洲索倫衆兵士無不念國家之恩效疆場之力故能以少勝衆逆渠懼而免脫此

天恩助順者三也知債轅之無濟掄幹材之可任時將軍兆惠以搜勦準夷餘黨至布露特部落已款服其衆因命旋師定回部於是克庫車存沙雅爾定阿克蘇略烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末

國子監志 卷三十一 獻功 三
矣。二酋以其逸待之。力統數萬人。與我三千餘人戰。我師之過河者。纔四百餘。猶能斬將奪旗。退而築堡。黑水固守以待。此

天恩助順者四也。萬里之外。抱水救火。其曷能濟。乃予以去年六月。即降旨。派兵撥馬。欲以更易。久在行間者耳。故兵馬率早在途。一趨進而各爭前。恐後人人有敵愾之憤。此

天恩助順者五也。副將軍富德及參贊舒赫德輩率師進援。以速行戈壁中。馬力復疲。值狂回據險。坐俟頗

有難進之勢。夫援軍不能進。則固守以待者危矣。而參贊阿里袞驅後隊之馬適至。夜擣賊營。我師內外夾攻。彼不知我軍凡有幾萬。握炭流湯之徒。自相蹂躪。顧命不暇。於是解黑水之圍。鹿駭虜驚。遁而保窟。我之兩軍合隊。全旅以迴阿克蘇。此

天恩助順者六也。既而彼料我必再入。泰山之壓難當。乃於我師未進之先。攜其部落。載其重器。跳而遠去。而葉爾奇木。哈什哈爾二城之舊伯克等。遂獻城以降。參贊明瑞一邀之於霍斯庫魯克。副將軍富德再

陷之於阿爾楚爾。於是離心者面內。前途者反旆。二酋惟挈其妻孥及舊僕僅三百人。入拔達克山境。此天恩助順者七也。人跡不通之地。語言不同之國。旣已雀毆寧不狼顧。其授我與否。固未可定也。然一聞將軍之檄。莫不援旗請奮。整旅前遮。遂得克渠函首。露布遙傳。此

天恩助順者八也。夷考西師之役。非予夙願之圖。何則。實以國家幅員不為不廣。屬國不為不多。惟塵守成之志。無希開創之名。兼以承平日久。人習於逸。旣無

非常之人。安能舉非常之事。而建非常之功哉。然而輾轉輻湊。每以艱而獲易。視若失而反得。故自締始以逮定功。雖予自問。亦將有所不解其故。而不敢期其必然者。故曰非人力也。

天也。夫

天如是顯佑國家者。以

祖宗之敬

天愛民蒙

眷顧者深也。則我後世子孫。其何以心

上蒼之心志

列聖之志。勉繼繩於有永。保丕基於無窮乎。繫以銘曰。
二酋僭德。始亂為賊。是興王師。報怨以直。伊犁既平。
蕞爾奚屑。徐議耕闢。徐議戍設。以噢以咻。伊予本懷。
豈其弗戢。圖彼藐回。彼回不量。怒臂當車。戕我王臣。
助彼狂狙。始攻庫車。債轅敗事。用人弗當。至今為愧。
悖逆罪重。我武宜揚。易將整師。直壓彼疆。阿蘇烏什。
玉隴和闐。傳檄以定。肉袒羊牽。二酋孽深。知不可活。
狼狽相顧。固守其穴。桓桓我師。周行萬里。馬不進焉。

強弩末矣。以四百人。戰萬餘虜。退猶能守。黑水築堡。
間信達都。為之傷悼。所幸後軍。早行在道。督敕速援。
人同怒心。曾不兩月。賊境逼臨。賊境逼臨。彼復微隙。
馬繼以進。賊營夜斫。出其不意。賊乃大驚。謂自天降。
孰敢鋒撓。大鞞大膊。如虎搏兔。案角隴種。誰敢迴顧。
黑水圍解。合軍暫旋。整旅三路。期竝進焉。賊偵軍威。
信不可支。挈其妻孥。遁投所依。所依亦回。豈不自謀。
豈伊庇猿。而受林憂。利厥輜重。無遺盡掠。遣其都丸。
遂來獻馘。詎惟獻馘。竝以稱臣。捧賚表章。將詣都門。

奏凱班師前歌後舞尸逐染鍔溫禺釁鼓露布至都
正逮初陽

慈寧稱慶亞歲迎祥

郊廟告成諸典竝舉皇皇太學豐碑再樹豐碑再樹敢
予喜功用不得已

天眷屢蒙始之以武終之以文戡亂惟義撫衆惟仁布

惠施恩寰寓共喜古不羈縻今為臣子疆闢二萬兵
出五年據實書事永矢乾乾

四十一年大兵進克噶喇依獲促浸土司索諾

木及其頭人等兩金川全境蕩平大功告成

遣官釋奠

先師孔子

御製平定兩金川碑文勒石國學

碑亭建大成殿
階下甬道東南

高宗純皇帝御製平定兩金川告成太學碑文

太上立德其次立功又其次為立言而德與功皆賴
言以傳言之無文行而不遠文之時義大矣哉然傳
德之辭直而寡傳功之辭費而多直而寡者不因文
而德自見二典三謨經世立教是也費而多者必因

文而功乃明周誥殷盤。佶屈聱牙是也。吾嘗讀韓昌黎平淮西碑。益悉此言之不爽。何則。彼其藩鎮乃家奴之類。慙患因循。以致宛成敵國。削而平之。是宜引以為愧。而不可炫以為功。賴昌黎之文。幾與江漢常武同稱者定。然有識者固知其辭費而多飾。而未知憲宗之愧與弗愧耳。今之平定金川之文。不有類於斯乎。解之者曰。逆首羈縻徼外。非若淮蔡之居中土。元濟之為世臣也。吾則以為既已受職為土司。則是我臣。而其地近接成都。遠連衛藏。則是我土。我土我

臣。而橫生逆志。蠶食鄰封。將欲大有所為。弗勦而滅之。則西川將不能安枕。茲雖歲事。與平定淮蔡。擒吳元濟。何以異。故宜引以為愧。而不可炫以為功者。以此金川之始。見於己巳告功之文。茲不復記。記其復叛而復征。則其陰謀負恩。己自戊寅年始。蓋戊辰之師。實緣其跳梁不靖。而師既臨境。彼即窮蹙乞降。遂以赦罪班師。甫十年。而其首郎卡。即與草布什咱構釁。又四年。遂與綽斯甲布及三雜谷為敵。而逆子索諾木。凶悖益甚。自恃地廣人衆。力強與各土司構兵。

訖無寧歲。故各土司皆畏之如虎。而以勢分力散。又莫能如之何。予以為業已受其降。不宜復加兵。且蟻鬪蠻觸。不足以勞王師。因命地方文武大吏。隨宜彈壓。令弗越內地界。亦足以安民而示度耳。不虞地方大吏欲息事。而每示寬。逆酋轉以為無足懼。而日益逞。其小金川逆酋僧格桑者。始則與索諾木水火相仇。繼乃狼狽為奸。於是索諾木計殺草布什咱土司。色楞敦多布。取其印敕以歸。而僧格桑亦侵佔鄂克什地界。且發兵圍其土司。色達拉之官寨。期必於取。

總督阿爾泰。提督董天弼。知事不可掩。乃有發兵之請。是役也。或咎阿爾泰依違誤事之過。而予則以為阿爾泰之過。皆予之過。蓋金川因其地險。眾悍久蓄異志。是以有殺至維州橋之謠。維州本漢徼外羌。再驍地。蜀將姜維征羌。駐此築壘。後因名為姜維城。唐武德初。因其地置維州。屢叛屢復。廣德中。陷吐蕃。號為無憂城。遂屢入寇。擾大中時。始復內附。五代蜀州內徙。改縣曰保寧。宋景德初。改曰威州。元至元間。以州治保寧縣。并入明洪武初。於州境析置保縣。本朝雍正五年。省威州入保縣。屬茂州。今其地尚有維州橋之稱。而促浸番人以殺至維州橋。播為謠曲。似則其不忘內地情。率係聞吐蕃舊事。妄冀效尤耳。可知。戊辰之役。我師深入屢勝。即不宜赦其罪而受。

其降此一誤也。甫十年而郎卡偕恩作亂，以及逆子踵其蹟，皆不及發兵問罪。惟令地方大吏隨宜處置，又屢誤也。以至尾大不掉，終於興師。故予不咎人之議為窮兵黷武，而轉咎己之類於姑息養奸。蓋中國之制外域，張撻伐則彼畏而斂跡，主和好則彼輕而生心。漢唐宋明之覆轍，率可鑒也。若謂予窮兵黷武，則予賴。

天恩平伊犁，定回部，拓疆二萬餘里，豈其尚不知止足而欲滅蕞爾之金川，以為揚赫濯，紀勳烈之圖哉。雖

然平伊犁，定回部，其事大矣。然費帑不及三千萬，成功不過五年。茲兩金川小寇，地不餘千餘里，人不滿三萬戶，而費帑至七千萬，成功亦遲至五年。則以陸步皆險，番奴效命死守，故能延至今日。而我將軍阿桂立志堅定，決機明敏，兩副將軍及參贊領隊諸臣同心合力，各軍士敵愾奮勇，凡經大小數百餘戰，而後成功。視平伊犁，定回部，費力轉不啻倍蓰。設非天恩助順，衆志成城，則金川未易言滅，而國威或致少損矣。是不可不紀。觀斯文者，尚諒予懷慚悔過之不

暇知非稱功。謂德而為言。其庶幾乎繫之以辭。用誌始末云爾。

小金首禍。曰僧格桑。兵救鄂什。克向稱沃日。今定為鄂什。克什急呼之。則鄂什

也。竟抗顏行。稱僧格桑於庚寅夏。與鄂克什。土司。構怨。稱兵。阿爾泰。董天弼。親往。誠諭。奏稱。逆

首。遵教。退歸。亦遂釋而不問。未數月。復圍鄂克什。辛卯夏。阿爾泰。乃遣兵護鄂克什。而逆首亦遂與官兵。

戰。督臣提臣。每事遷就。知弗勝任。將軍別授。阿爾泰等名。為

進兵。仍思遷就。完事。因諭溫福。由滇赴川。經理軍務。且命桂林。馳往視之。辛卯冬。因阿爾泰。始終遲疑。玩

愒。遂罷其職。而以溫福。代為大學士。授定邊將軍。由西路。督兵進攻。其四川總督。則令桂林。代之。統兵攻

路。勒南。攻破巴朗。向訛為班。直取達圍。進抵資哩。數月

克之。兩路夾擊。遂得美諾。鼠竄狼奔。金川助惡。溫福初至

西路。即策勵將士。攻克巴朗。拉乘勝直取達圍。進攻資哩。數月而克之。繼命豐昇。額為副將軍。同溫福。進

勦賊。尋退還木蘭。填我兵。進抵路頂宗。桂林在南路。其始頗合機宜。連破約。咱卡。了諸寨。並復草布。什。咱

侵地。尋為宋元俊。所誤。致有墨壟溝之失。桂林。匿不。上聞。為阿爾泰。所劾。因即罷斥。而令阿桂。為副將軍。

赴南路。代領其兵。南路。自達烏。至僧格宗。皆峭壁懸。崖。礮卡。林立。阿桂。董飭官軍。勵勇。摧堅。采入其阻。乘

勝。進擣美諾。賊巢。壬辰十一月。遂克之。溫福亦攻克。明郭宗。至美諾。與阿桂。會復督兵。攻取布朗。郭宗。逆

首。自僻徑。竄入金川。擒其父澤旺。解京。乃傳檄。撫定。汗牛。大板。昭等寨。落小金川。悉平。而金川。逆酋。索諾

木。復敢黨。惡拒命。既平。趙拉。小金川番。遂討促浸。金

川番。雪多境險。奏功以沈。賊更遮。都綠營。

怯懦遇戰辟易桂攻勦促浸之兵溫福由功噶爾拉

前為卡撒了口賊築碉斷徑不能進遂別由昔嶺繞

攻而碉堅地險兼多雨雪攻之半年雖屢得賊卡終

未扼其要害綠旗兵既懦蕙溫福又不善調度以二

萬餘人散佈各卡防守遂以分而見單賊窺其罅隙

於癸巳六月遣番衆數百由間道潛出煽誘趙拉降

番復叛董天弼庸懦失守為賊所戕賊益猖獗擾溫

福後路直侵大營綠營兵衆先潰將領戰沒者多溫

福率親兵與賊搏戰亦遇害攢拉之地復失逆酋等

罪大惡極愈兵既無能將復失算豈如南路全師而

不可寬矣木阿桂在當噶軍律明而士心固賊不敢犯然

返木果重調勁旅吉林索倫健銳火器其心忠純已前

南路由全師而出果木有事之後當噶亦難獨駐遂整勵兵衆由

簡派八旗兵三千令赴川助勦為溫福等奏止使木

果木軍營有滿洲兵在彼則綠營得所依恃亦不至

倉皇潰竄是其事仍由溫福自悞幸阿桂一路軍氣

甚整即授為定西將軍竝選健銳火器營兵三千吉

林索倫黑龍江兵四千仍分兩路堂堂正正不旬日

迅赴軍營重籌進勦間美諾重定南路則令明亮為副將軍進勦兩路並

進所向克捷旬日之間即收復小金川全部谷噶既入馬尼聲去竝克泰養

旗兵允得其力阿桂等於甲午正月搶佔谷噶了口

路之兵皆因有八旗勁旅奮勇先登綠醜三路進一

營觀感激勸皆效法恐後奏績甚速

阻宜喜及彼絨布遇險而止副將軍豐昇額同舒常

亮共成三路第宜喜之兵攻勦半載未能寸進而明

亮則由馬尼攻得木谿卡卡角及抵庚額特亦阻險

而未能進遂阿桂西路則屢建功羅博湖普逮遜克

駐絨布寨

宗○甲午三月阿桂攻克羅博瓦山梁六月攻克色湖

險銳攻纖醜甚衆喇穆山梁日則了口舉默格爾以

擾其後知喇穆喇穆迤西峯崖陡削賊備禦稍疎因

分兵起越進攻稍阻至十月初復繞道攻得默格爾

八當噶其榮噶爾博日爾明亮宜喜亦據嶺梁而復難

進徒然望洋攻之喜為賊要隘守禦極嚴豐昇額舒常

路舒常在彼更不能進甲午夏因明亮在絨布屢攻

地明亮遣偵卒往探不見賊蹤難以輕進亦赴西路

協勦阿桂札止之會綽斯甲布土司懇明亮駐宜喜

宜願效前驅明亮乃出其不意分兵掘濠斷路明亮

所阻為逮昨乙未略康薩爾木思工噶賊碉竝毀阿

自攻得默格爾欲乘勝直進賊復於康薩爾山梁抗

阻兩月餘乙未正月阿桂派兵分路潛進拔其鹿角

連越重濠躍上碉頂遂毀其碉賊甚眾四月明亮

復攻得木思工噶克了口從此下壓勢益順矣明亮

河西亦有所據日旁以前五十里路之明亮因達爾圖

商之阿桂謂當仍由宜喜一路進攻並派西路兵一

千令福康安帶往攻克甲索碉卡海蘭察亦往會攻

合力并擊先克撒撒谷其日旁右之沙壩山並達爾

圖得楞及溝內之斯年木咱爾各賊皆紛紛棄碉遁

周圍五十餘里夾河兩軍聲息可通竝清後路遜克

爾宗○五月中明亮攻克額爾替碉卡可下至平坡六

寨○攻打隔河之沙爾尼一帶兩岸夾擊聲息可通迨

阿桂攻得噶爾丹喇嘛寺等處居高得勢以遜克爾

禮志八

宗在我兵之後。留之非計。遂派兵三路分進。豐昇額督率攻勒。或斫寨而入。或梯牆而進。遂得其礮。殺賊無算。後路苗則大海。昆色。拉枯。層層破要。步步披嶇。阿桂以昆色。爾喇嘛寺。在拉枯喇嘛寺之上。於此路尤為扼要。其苗則大海。亦當並勦。分派將領統兵同往。其昆色。爾喇嘛。山梁最險。官兵皆蟻附上。攻佔其礮寨。復縱火焚燒。拉枯喇嘛寺。又攻得苗則大海。官兵無不超越。而登。遂克勒圍。紅旗飛遞。而何四月。大捷未飛騰而入。至既克西里。乃若建瓴。科布。曲索隆。古不日而傾。阿桂於八月十五夜。攻克勒烏圍。其附近礮卡木城六十餘處。一夕無不摧破。八日而紅旗遞至。木蘭詳見聞捷凱歌。及誌事詩。自奏捷後。四閱月。雖時有克獲。未能深入。直至十一月。初攻克西里。軍聲愈壯。而賊勢愈蹙。尋即攻得科布。曲索隆。古山梁。並克格隆。古兜窩等要隘。又掃清安布魯木一帶。益據建瓴之勢矣。

雍中舍齊。易如拉朽。密圍噶喇。依賊其奚走。阿桂既

古進攻朗阿。古則朗噶。克丫口等處。皆克之。並據噶

占山梁。十二月十七日。遂由瑪爾古當噶。一帶寨落。悉行掃蕩。並克舍齊喇嘛寺。次日復攻克雍中喇嘛

寺。即於十九日。統兵直擣噶喇。依四面圍攻。水陸俱斷。促浸番衆。自攻克勒烏圍以來。大小男婦紛紛投

出其大頭人。布籠普阿納木達什阿庫魯等。遂皆相率乞降。並索諾木之母阿倉姑阿青及其姊妹。亦皆

投至軍營。僉云。索諾木莎羅奔兄弟。并作惡之大頭人。丹巴沃雜爾等。皆在圍中。此蓋逆首賊黨等罪。是

時河西明亮亦入富德馬邦。傳檄芥拾。爾古等寨。克阿

取獨古木。開通乃當山梁。並擣甲雜。掃獨松。河西一帶。悉行勦洗。過河會阿桂合攻賊巢。富德亦將河南北之噶。咱普庚額特曾達等各寨。落全行掃清。直據馬爾邦。亦遣兵與阿桂會。富德所得之地。俱不煩兵。

九易如設非西路圍噶喇依則其兩路亦無進期
 拾芥自阿桂既克索隆古乘勝席捲已圍噶喇依
 寸進自阿桂既克索隆古乘勝席捲已圍噶喇依
 處之賊皆膽破心散望風潰降非果由力戰而得
 非西路官兵直擣賊巢則明亮富德兩路仍未有
 取之諸軍既合火攻周遭雖據三穴訖其奚逃然
 期也諸軍既合火攻周遭雖據三穴訖其奚逃然
 死守四十餘日計窮力竭乞命而出官兵四面合圍賊猶負隅力抗
 繼用大礮環轟催其礮卡將士等乘勢克取旁近
 落層層近逼殲賊日多逆酋惶懼遣其兄岡達克
 楚克次第詣營並即拘繫於是攻圍益急據其近
 斷其水道索諾木窘迫無計遂於二月初四日早
 其兄弟莎羅奔甲爾瓦沃雜爾斯丹巴并兩土婦
 黨惡大頭人丹巴沃雜爾斯丹巴并兩土婦及
 喇克巴並兩喇嘛挈大小頭目男婦二十餘人出
 逆首跪捧印信乞免誅戮因即悉就擒獲俘獻京師

自圍勦以來計四十餘日至是全境蕩平罪人斯得
 紅旗於二月十二日馳至桃花寺行宮適當告功
 敬隨諭將軍阿桂等統成將士擇日凱旋俟東巡
 回蹕至黃新莊舉行郊勞金川之功阿桂居首特恩
 大典以昭偃武策勳之盛
 異數加之宜厚征勒金川之役實由將軍阿桂蓋誠
 實為此事首功特封為頭等誠謀英勇公加賞雙眼
 孔雀翎紅寶石帽頂四團龍補褂金黃帶紫纓以昭
 崇能出能入有權有經運長擊短後實先聲金川之
 功允資羣力寸步層峯冰滑石仄將軍指揮無不奮
 勇以此破敵鹿埭隴種金川之功非予所期事弗可
 已久而得之鬪猶獸困捨懲雞肋念我衆勞至今心

惻金川之功允賴

上蒼靖彼蕃徼我武維揚勒碑太學用遵成例靜言思
之文以誌愧

道光八年大兵平定回疆勦擒逆裔

皇上御午門受俘九年

親詣

先師廟釋奠告功

御製平定回疆碑文勒石國學

碑亭建大
成門外西南

皇上御製平定回疆勦擒逆裔告成太學碑文

征而滅之謂之勦生而致之謂之擒命將出師聲
罪致討此可必得之數也戰手張拳生纍駢繫此
不可必得之數也矧既已遁逃而猶望其自投羅
網尤難之難矣乃失之而復得之且生得之此豈
人力哉

天也。逆回張格爾者為薩木薩克之子自稱係和卓木

後裔嘉慶二十五年冲巴噶什愛曼布魯特比蘇

蘭齊與張格爾糾煽回衆殺傷卡倫官兵欲圍喀

什噶爾經官兵擊敗張逆等竄逸道光四年張逆

復糾合回衆。黃夜搶卡。官兵殲獲。助逆賊目張逆。復遁。五年。差人詐降。勾結四百餘人。為亂。因奈曼。部落不從。仍復竄。赴薩雅克部落。勾結汰劣克等。同來喀什噶爾滋事。巴彥巴圖帶兵出卡。遇賊接。仗。中槍自刎。朕諭慶祥往喀什噶爾督同永芹辦理。勦捕事宜。旋因永芹病歿。以慶祥為喀什噶爾參贊大臣。六年六月。張逆率安集延布魯特五百餘人。夜由開齊山路。突至阿爾圖什回莊。衆回從逆者多。分投搶城臺路。斷絕。所調援兵。路梗。未能

猝赴英吉沙爾。葉爾羌和闐。既分兵應援。存城兵少。賊勢猖獗。各城紛紛告急。烏什阿克蘇二城亦俱戒嚴。朕遂授長齡為揚威將軍。楊遇春武隆阿參贊大臣。先後調派吉林黑龍江官兵三千名。各路官兵三萬二千餘名。又簡派巴圖魯侍衛章京等。馳往帶兵進勦。隨頒發硃諭十條。指授機宜。而賊匪擾至阿克蘇。渾巴什河南岸。屯聚伺隙躡渡。經長清達陵阿巴哈布等督兵晝夜嚴防。兩路夾擊。殺賊甚夥。賊首奔竄。追斃之。楊芳搜勦柯爾坪。

從逆賊匪殲戮殆盡。七年長齡等於二月初六日。統大兵進勦。二十三日。至洋阿爾巴特。甫經接仗。賊勢披靡。布魯特俱奔竄。二十五日。進至沙布都爾莊。兩次鏖戰。擒戮賊匪數萬。二十八日。進至阿瓦巴特回莊。三次續獲勝仗。三月初一日。克復喀什噶爾。張逆先已乘間竄逸。長齡留喀什噶爾。楊遇春等帶兵進勦。英吉沙爾葉爾羌。以次收復。楊芳分勦和闐。亦克復其城。朕以四城雖定。逆首未除。諭長齡派兵各要隘安營。務確探張逆蹤跡。期

於必獲。五月長齡奏張逆在木吉地方潛匿。飭安福等出卡追捕。添調楊芳督辦。張逆復竄拉克沙地方。檄令喀拉提錦部落助擒。朕諭楊遇春來京入覲。楊芳授為參贊大臣。長齡奏請仍留喀什噶爾。朕允其所請。並諭以張逆勢雖窮蹙。難保其不復來窺伺。該將軍等當嚴加防範。設法勦擒。張逆果於十二月二十七日。潛由開齊山路入卡。長齡楊芳分統將領。連夜勦捕。追及於喀爾鐵蓋山。兩路並勦。衆賊逃竄。張逆僅剩賊黨十餘人。情急將

自絕頸總兵胡超等奪刀生擒之餘賊殲戮無遺
隨將張逆解大營檻送闕下獻俘長齡等紅旗報
捷閱二十日遞至京師爰錫封長齡為威勇公楊
芳為果勇侯其餘將士升賞有差朕思回疆自

皇祖高宗純皇帝平定以來休養生息六十餘年彼回
衆踐土食毛無不感承

聖化乃張格爾以逆裔遺孽招集沙蟲之族潛行梟獍
之謀朕何敢不導揚

先烈勉迪

前先是役也擒渠萬里而遙奏績於一年以內儻脅從
之衆一鼓就殲而煽惑之魁隻身遠遁事未稱為
盡善功猶墮於垂成且逆首或畏罪自戕或拒追
被戮雖伸國法未快人心是既得而猶未得也今
則飛蛾赴火自蹈危機臨陣生擒束手就縛與檄
諭外夷設計獲馘者厥功尤偉然此豈人力所能
為哉罪人斯得

天奪其魄也我武惟揚

天之所助者順也禮曰執有罪告成於學故據事書之

繫以銘曰

惟我

皇祖拓土開疆大小和卓自取滅亡背恩反噬敢肆鴟張爰救將帥翦彼披猖二酋授首獻馘廟堂懾

威懷

德綏靖遐荒濟惡作奸薩木薩克邃慝深藏苟延喘息弗忍加誅投畀有北逞其詭謀為鬼為蜮助虐

者誰狼心叵測曰安集延曰布魯特根株弗斷滋蔓難圖蠢張格爾甘自速辜巧營三窟雄長一

隅窺邊越卡常若覬覦有時擊敗窘若囚拘乘間而遁終為逃遁煽亂游魂稽誅遺孽搶占城垣弃離巢穴虺毒豺克蜂屯蟻結竟抗顏行羣效據竊前圍後攻左牽右掣燎之方揚如火烈烈恭行

天討詰爾戎兵卜云其吉命將邁征三戰三捷克復四

城以少勝衆猛助軍聲狡哉鼠竄惜死偷生神人共憤星掃欃槍窮猿投林枯魚泣釜遯跡莫偵孰襲而虜自夏徂冬以防為堵彼若不來我焉能

取惟

天不容俾罹網罟故智復萌餘勇欲賈 霜鋒雪甲桓
 桓我師賊奔馬走高山屢屨揮弓電閃激矢風追
 逆渠生縛援戈而麾自我勦之自我擒之堂堂正
 正盪定西陲 將軍長齡首功懋賞參贊楊芳壯
 猷優獎爾公爾侯用褒忠謹大小臣工恩波浩蕩
 押獻戎俘又安邊壤紫閣銘勲凌煙畫像 凱歌
 除夕慶洽元辰萬方送喜九寓同春肇應靈序允
 惠黎民如

天之福如

天之仁告功太學勒碑成均嚴恭寅畏

天命凜遵

謹案獻功見於魯頌王制二篇三代而下獻俘
 受降惟行於太廟社稷而釋奠於學之典闕如
 我

朝

列聖相承偶有小醜陸梁自作弗靖
 命將遣師蕩平迅奏莫不祇循舊典

遣官釋奠

先師而且樹豐碑於國學以紀成功我

皇上平定回疆告功

親祀

隆儀特舉

文德

武功尤度越前古萬萬矣



